

Neuwe Zeytung:

Und bericht / Wie die
Königin von Algiera gehn Rom kom-
 men/ vnd wie sy sampt ihren sechs Sönnen/
 vnd etlichen vilen Weibs personen/ ihres Fra-
 wenzimmers Getauffe worden.

Vnd auß was Ursachen / sy von ihrem
Gemahel entpflogen seye/ Wie den 7. Octobris,
 diß ablauffende 87. Jars. auß Rom vnd zu Venedig
 inn Welscher Sprach im Truck außgangen/ vnd
 sekunde Deutsche worden/ zc.



Gedruckt zu Augspurg/ bey Josiam Wörly/
 bey dem hayligen Creutz/ hinter dem Predighaus/ inn
 sanct Othmars Gassen/ im Jar 1588.



Der Vester brnd groß güt-
stiger Herz/ erschienen Sontag/ den
7. Octobris, diß ablauffend 87. Jars/
der eben auff des Hayligen/ vnnnd mit
Seraphischer liebe entzündten/ Sancti Trancisei tag
gefallen/ ist ain außbüding schöne Fräwe/ mit 22.
Personen/ als nämlich 8. Schüffleüitten/ so ge-
fangene Christen/ vnnnd ihre Leibeygene Knecht/
sampt ihren 6. lieben Söhnen/ der selbigen Säuge-
amien Hofmeysterin/ Hof Jungtfräwen/ vnnnd
anderen Weybs personen ihres Fräwenzünners/
wie auch ainem ihres Gemahels Brüdern/ auff
einem neuen Bregantinischen Schüff/ an disem
Römischen Pordt antomen/ vnnnd geht die sage/
Es seye die Königin von Algiera, Welche auß
sonderm berüff vnd eingebung Gottes des hay-
ligen Gaysts/ dermassen erleucht/ starck berüf-
fen/ bewegt vnd erwaycht worden/ das sy sich das
Irdisch reich/ vnnnd aller gewalt vnd Heriligkayt
diser Welt/ gänzlich hindan gesetzet/ Darmit sy
des ewigen Himelischen Reichs nit entfeyt vnd
berandt wurde/ ihren Gemahel von dem sy hoh
geehrt/ Ja so lieb vnnnd werdt gehalten worden/
als man je ein Weib im Ehestand finden möchre
So anders das heyrathen zwischen den vngläu-
bigen/

bigen/ ain Ehestand genandt soll werden) zu neu-
lassen bedacht/ vnnnd gänzlich entschlossen.

Vnd solches auß der ursachen/ das sy/ weyl sy
noch inn Grichenlandt/ dahin sy vorzeytten für
Leibeygen verkauft worden/ ainem gütten wil-
len/ sondern lust vnnnd wolgefallen/ zur Christen-
lichen Religion gewonnen hat/ vnnnd als sy diß ihr
so hayligs vorhaben/ vnnnd Gottseligs verlangen/
mit ihren 8. Leibeygenen Knechten/ so da Chris-
ten waren/ vnnnd sonders fleiß bestelt vnnnd verord-
net/ das sy hohgedachter Fräwen auff warten/
vnnnd zu dienst sein solten/ vbertragen haben sy/
Gott dem Allmechtigen/ von wegen eines so hay-
ligen sürnemens vnnnd so Gottseligen entschluß/
hohen danck gesagt/ vnnnd ihr der Königin (als die
zu gütter massen wol abnemen vnnnd erwegen
mochten/ das solches alles ihnen selbs/ auch zu
großem glück vnnnd wolgart dienen vnnnd geraychen
wurde) inn trewe vnnnd glauben/ auff das aller
höchst vnnnd gewisest zugesagt/ verhayssen vnnnd
versprochen haben. Darauff hat nun hohgemel-
te Fräwe bey ihrem Herren vnnnd Gemahel ange-
halten/ vnnnd ihne ganz fleissig gebetten/ Er wolte
ihr zu lieb/ Sonder gunst vnnnd wolgefallen/ ain
Bregantin, ein Ehren/ lust oder Eregantin Schüff
zurichten lassen/ darauff sy für ihren lust vnnnd kurtz
2 ij weyl/

weyl / zu zeytten auff ihren / mit weyt von dannen
 gelegen / sitz oder ins Lusthaus faren / vnd dann
 auch wie dergleichen grosse Herren vnd Fräwen
 im brauch haben / für ainen wollust auf dem Mo
 herumb schwaissen vñ spazieren faren möchte /
 diß hat er ihr nun ganz gnedig / willig vnd gehin
 vergunnet / da doch ainer billich gedenccken mü
 gen / Er solte ihr ehe vil lieber alles anders zuge
 lassen vnd bewilliget haben / gibt dennoch obge
 melte / auff die Königin bestelte Leibeygenen
 Diener beselch vñnd ordt mügen / sy sollen da
 rum vnd daran sein / das begehrest Schüß mit
 höchstem fleiß / vnd zum fürderlichsten / auff das
 aller schönest vñnd best gebawen vnd zugericht
 werde / Welchen beselch sy auch belder vñnd ge
 schwinder als er selbst gedenccken mügen / nach
 kommen vnd den selbigen volzogen haben.

Diweyl dann nun alles auß sonderer schick
 ung GOTTes ganz glücklich zugehn solte / ist ihr
 Gemahel der König zu allem glück / Eben darzu
 kommen / an des groß mechtigsten HERRen vñnd
 Türckischen Kayfers Hof gehn Constantinopel
 beruffen / vnd dermassen abgefordert worden / das
 er als baldt auff sein / vnd dahin verrucken müß
 sen / derwegen er von jr sein / Gemahel vnd seinen
 Sönnen vñlaub genommen / vnd als mit verhayß
 sung /

fung / das er sich auff das aller ehest / wie er dann
 von ihr der Fräwen / mit wainenden augen da
 rum gebetten / sich mit ehesten widerumb zu
 haus verfügen wolte vñnd darnon gezogen / als
 nun mehr gedachte Fräw so gütte vñnd hoher
 wunschte gelegenheit ersehen vnd bekommen / hat sy
 verordnet / man solte das new erbaute Schüß
 auff das Mo führen / ob es aller dings gerecht
 vnd ohn allen mangel wol probieren / vnd als sol
 liches gesehen / ist es ganz güt / vnd aller seiner vol
 kommenheit erfunden worden / Hier auff hat sich
 vil vñnd hochgemelte Fräw gestelt / als wolt sy mit
 gütter gelüghenheit / auff obgemelten ihren Sitz o
 der Lusthaus / darmit sy den vnwillen vñnd traw
 rigkait / so sy ab dem hinschayden vñnd abwesen
 ihres Gemahels genömen / vertreiben vñnd auß
 schlagen möchte / spaciern faren / vñnd ob sy aber
 schon gehn wolt / so hat sy doch ohn ihres Gema
 hels Brüdern / den sy inn seinem hinweck ziehen /
 sonder fleiß / Achtung auff sy zugeben / vñnd sorg
 für sy zu tragen besolchen worden / keines wegs
 auß noch abkornen können / sonder ihne wider ih
 ren willen oder danck / mit ihr müssen ziehen las
 sen / vñnd als sy sich nun diß ihres außraiffens vñnd
 entschlossen flucht halber / nit mehr gemeltem ih
 ren Leib aygenen Leütten / vñnd doch getrewen
 Dieneren vñnderedet / von jnen darinnen gestärck
 A iij et / vñnd

et/vnd dermassen hertzhafftig worden/ das sy nun
gar ohn alle sorg wolte sein / Sonder sich allain
auff den Allmechtigen ewigen GOTT verlassen/
vnnnd dem selbigen gänglich vertrauten / die sache
wurde ainen ganz glücklichen außgang gewin-
nen / wolt sy auch inn allen dingen ihr besten ver-
mögens güte fürsichung thun/ Darmit es jnen nit
mißlingen solte / darauff hat sy sich ganz köstlich
angelegt/ auffs reichste beklaidet/ vnd sich mit so-
uill Edlem Gestain vnd Perlin/ souil ihr nur mög-
lich vmbhenckt. In sonderheit aber hat man sich
ab einer Kärrin oder Halsband hoch zuerwun-
deren gehabt / Welche von sehr grossen Kunden
vnnnd schön weysen Perlen/so lang das es ihr vil-
feltig vmb den Hals/ vnnnd nach dem bis auff die
Gürttel gieng / also das es von hiesigen Giolor-
ern oder Edelgestain/ händlern vber die hundert
Tausent werdt/geacht vnd geschätzt worden.

So sagt man auch/ sy hab noch vil ander Edel
gestain/welche sy heimlich vor ihren Dienstmäg-
den/welche nicht vmb ihr vorhaben wusten/dar-
mit sy nit vermehret wurde/mit vnd zu sich geno-
men/welches aines grossen Schatz werdt/ zu dem
ain grosse summa geldts bey sich/welches sy vil ge-
dachten vertrauten Knechten/ souil sy nur heim-
lich ertragen mögen vnd eingeräumt/ also das
kein

kein zweyffel sy hab/ ainen sehr grossen schatz mit
ihr gebracht/zc.

Vnd als sy nun also / wie jezund gemeldet be-
schaffen vnd stassiert auff das Schüß so wol mit
aller notwendiger prouiant/als mit andern/zu
dem Schüß gehorenden zeug nach aller notdurfft
versehen / gestigen / haben sy sich allgemählich/so
weyt auff das Nör hinein begeben/das gedachter
ihr Schwager / ihres Manns Brüder angefan-
gen zu argt wonen vnd zu besorgen / was im her-
nach begegnet vnd derhalben vorzogen auffgan-
gen/mit den Leibeygnen Dienern ainen rumoren
angefangen / vnnnd jnen den Todt getreuet / wa-
fehret sy nit wider an die Pordt vnd Schüßlän-
den/daruon sy auß gefaren/umbkriechen vnd zu-
rücken wurden/solten sy an Leib vnnnd Leben größ-
lich gestrafft werden/zc.

Es ware alles vergebens vnd vmbsonst / daß
die Schüßleuth fielen vber ihn hin / Ergriffen in
vnd wolten in in das Nör geworffen haben/das
wolte aber die Königin nit zulassen / vnd zayget
inne die ursach ihrer flucht vnd außraissens ganz
glimpfflich vnnnd freundlich an / mit vermelden
worten/das sy wegen der liebe vnd freundschaft
so sy zu inne thüeg / kains wegs zulassen noch ge-
2 iii statz

stattenwolt/das innen nicht laid wider fure/doch
wolt sy inne auf das aller Ernstlichst vñ treulichst
ersucht vñnd gebetten haben / Er wolte zu friden
sein/vñd güt willigklich mit ihr ziehen/so wolt sy
inne sehen lassen/ wie er ihr were/ vñnd was für
glück vñnd wol fart sy inne gännet / Ja sy wolte
machen / das er aines grossen vñnd Herlichen
Königsreichs (als nemlich des Himerreichs)
mechtrig vñd fehrig werden solte/Er aber wolt je
als der vor wüettenden zoren/schier gar von sin-
nen kommen/so gar kein gehör geben/das sy ver-
ursach/inne mit gewaldr zubinden vñd zuuerstric-
cken / vñnd also gebunden auff die Brucken des
Schüffs hinlegen lassen / Darnach keret sy sich
zu ihrem Frayenzimer/ thöste vñd vernimmet sy/
wollen es mit ihr halten vñd zu friden sein / güts
vñd böses mit ihr einzunehmen / dann sy wollen sy
an ain solches ordt füren/ da sy sich je lenger je bes-
ser erfreuen wurde/ vñd als fehr sie durch solch-
es freundtlichs gnedigst zusprechen der Königin/
vñd zugleich auch durch fürcht vñd schrecken/
ab den dreyworten der Schiffleüthen gestilt vñd
zu friden gemacht/ vñd mit gutem stillem Wetter
zu Maiorica ankommen/alda sie von dem Bischoff
des selbigen ordts / mit solchen freunden vñnd so
grossen frolocken empfangen worden/ wie ain je-
der bey jm selbsts/da es in dergleichen fällen vñd ge-
legen

legenhait zu zu gehn pflegt/wol erachten vñd er-
messen kan/ da hat sy nun hochermelter Bischoff
alle sampt getauffet/ auß genommen vil ermelten
ihren Schwageren / der oberzelter handel vñnd
verlossener sachen sehr übel zu friden war.

Nach dem sy nun etliche Tag inn jertz gemelter
Statt still gelegen / vñnd sy der hochwürdig Bi-
schoff daselbsten mit frischer Prouiandt nach not-
turfft / Ja ganz vberflüessig versehen / hatt er sy
auff Rom zu/den Apostolischē legen von Bābst-
licher Hayligkait zu entpfahen abgefehrtiget/also
das sy die Königin (wie anfangs gemeldt) auff
nechst erschienen zu Rom zugelandet/sampt ih-
rer Hochlöblichen geselschafft allhie zu Rom glück-
lich ankommen/vñd ob sy gleich wol von wegen ih-
rer fürtrassenlicher schöne vñd groß müetigkait /
hochgelobt vñd priesen / so hat sy doch menigklich/
ob ihren so kommen vñd dapffern hertzen/dardurch
sy sich zu einer solchen that entschlossen / vñd in so
grosse gefahr / Leibs vñd Lebens gewagt vñd be-
geben/ nit wenig größlich zuuerrunderen / dann
so bald sy die Allgieeischen schiltewach war ge-
nommen/das sich je Fray vñnd Königin inn die
flucht begeben/haben sy ihmit viller Kenschiflen
nachgeeylet/ als aber solches die Königin ersehen/
ist sy auff ihre Knie gefallen/ vñnd Gott das er sy
mit

nit wölle verlassen/hertzlich gebetten vnnnd ange-
 ruffen/diſ hat ſy nun Gott geweret/wie er dann
 alle die jr hoffnung auff ihn ſetzen/pflegt zuerhö-
 ren/dann ſy ſagen vnd bekennen/das Schiff ſeye
 nit gefaren/ſonder geflogen/vnangesehen das die
 Schifflüt die Kueder kaum anrürten/alſo das ſy
 Kom ohn alle mühe/ohne alle gefahr erraicht ha-
 ben/ſo bald ſy aber darzu kömen/hat ſy von ſtun-
 dan das Schiff den armen/jedoch Chriſtenlichen
 vnd getrewen Leibeygnen Knechten geſchencket/
 ſy der dienſtbarkheit erlaſen/mit der hoherwünſch-
 ten freyheit begnadet/vnnnd ſy noch darzu mit ei-
 ner mercklichen ſumma gelts dermaſſen begaabet/
 das ſy nun mehr reich/vnnnd ganz wol zufriden
 ſein/ſo hat auch menigklich darfür Bäbſtlich Hayt
 werde ſy noch zu dem allem/von wegen ihren
 groſſen arbeyt vnd gehalten müge/mit vnnerehret
 laſſen.

Es iſt auch hoch gedachte Königin/ſampt i-
 rer Loblichen Geſellſchafft oder Hofgeſinde/von
 der Hochwürdigen Erzbrüderſchafft del confa-
 lone auß dem Schiff/Darauff ſy ſo glücklich da-
 hin kömen/entpfangen/vnd ſy biß in die Hörberg
 beglaytet/allda jr auß beſelch Bäbſtliche Haylig-
 kait/mit allerley auff ain ſo ſtattliche Frayenge-
 bürende notturfft gediennet vnnnd fürſehung ge-
 ſehen/

ſehen/vnd diß iſt nun Edler/Groß Günstiger
 Herz/das jenig ſo ich in diſer kurzen zeyt/von di-
 ſem geſchicht erſaten köndten/im fall ſich aber
 was weyters begeben wurd/das ich E: Herlig-
 kait wurd zu wiſſen thün köndten/soll mich
 nicht darvon abhalten/E: Herligkait mich hie-
 mit vnderthenigſt beſelhende vnd Gott bitten/
 Er wölle derſelben glüeliche wolſart/vnd die E-
 wig ſeligkait verleyhen auß Rohm den 7. Octo-
 bris, das 1587. Jars.

E: H:

Vnderthenigſter:

Fran: Nogit ſt.

